

**Sumáriu Kazu
Tribunál Distritál Oekusi
Mai 2022**

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 37

Artigu	Tipu kazu	Númeru
Artigu 145 Kódigu Penál (KP), konjuga ho artigu 2, 3, no 35(b) no 36 (LKVD)	Ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika.	20
Artigu 157 KP, artigu 145 KP, konjuga ho artigu 2, 3, no 35(b) no 36 (LKVD)	Ameasa no ofensa ba integridade fízika simples ho natureza violénsia doméstika	2
Artigu 145 KP	Ofensa ba integridade fízika simples	8
Artigu 151 KP	Ofensa korporál resíproka	2
Artigu 157 KP	Ameasa	3
Artigu 207 KP	Kondusaun sem karta	1
Artigu 1652 KS	Rekejitus kona-ba divorsiu por mútu konsentimentu	1
Totál		37

2. Totál desizaun ne'ebé JSMP monitoriza : 28

Tipu desizaun	Artigu	Númeru
Suspensaun ba prizaun nia ezekusaun	Artigu 68 KP	10
Multa	Artigu 75 KP	2
Admoestasaun	Artigu 82 KP	3
Omologa pedidu dezisténcia keixa	-	13
Totál		28

3. Totál kazu sira ne'ebé continua prosesu tuir JSMP nia monitorizasaun: 9

B. Deskripsaun sumáriu julgamentu ba desizaun kazu sira

1. Krime ofensa ba integridade fízika simples

Nú. Prosesu : 0015/21.OEPMK
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Omologa pedidu dezisténsia keixa

Iha 05 Maiu 2022, Tribunál Distritál Oekusi prezide julgamentu tentativa konsiliaun ba kazu ofensa ba integridade fízika simples ne'ebé envolve arguidu Domingos Mesquita hasoru lezadu Francisco Metan, iha Aldeia Usapibela, Suku Lalisuc, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 03 Maiu 2021, iha oras tuku 18:00 lokraik, arguidu ho lezadu diskute malu kona-ba baliza natar nian, ho nune'e arguidu ho lezadu dudu malu, arguidu tuku dala ida iha lezadu nia kanotak parte karuk rezulta lezadu sofre moras. Kazu ne'e aneksa hamutuk ho relatóriu médiku husi Ospital Referral Oekusi no fotografia kona-ba aktu violénsia sira ne'e hasai husi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu konsiliaun ne'e, lezadu hakarak dame malu ho arguidu sein kondisaun, importante iha futuru arguidu labele repete hikas nia hahalok ne'e hasoru lezadu ka ema seluk. Enkuantu arguidu konkorda ho pedidu lezadu nian no deklara katak arrepende ona nia hahalok no promete sei la repete tan hahalok hanesan iha futuru, nune'e lezadu husu ba tribunál atu deziste tiha ninia-keixa hasoru arguidu perante iha tribunál nia oin.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, nune'e tribunál konklui prosesu ne'e no omologa pedidu dezisténsia keixa ne'e.

2. Krime ofensa ba integridade fízika simples

Nú. Prosesu : 0034/21.OEBCN

Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Mateus Nesi
Defeza : Dr. Calisto Tout
Desizaun : Omologa pedidu dezisténsia keixa

Iha 05 Maiu 2022, Tribunál Distritál Oekusi prezide julgamentu tentativa konsiliaun ba kazu ofensa ba integridade fízika simples ne'ebé envolve arguidu Matias Taec hasoru lezadu Emanuel Cab, iha Aldeia Kuantua, Suku Usitaco, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 10 Novembru 2021, iha oras tuku 17:00 lokraik, arguidu tebe dala ida iha lezadu nia hirus matan, rezulta lezadu dada iss araska no sofre moras. Arguidu kontinua tebe tan dala ida iha lezadu nia ibun kauza kanek nehan musan ida monu no sofre moras. Kazu ne'e aneksa hamutuk ho relatóriu médiku husi Ospital Referral Oekusi no fotografia kona-ba aktu violénsia sira ne'e hasai husi polisia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu tentativa konsiliaun ne'e, lezadu hakarak dame malu ho arguidu maibé ho kondisaun, katak arguidu tenke taka nia kanek ho osan US\$50.00 no bibi aman ida. Alende ne'e, arguidu konkorda ho pedidu lezadu nian no deklara katak arrepende ona nia hahalok no promete sei la repete tan hahalok hanesan iha futuro, nune'e lezadu husu ba tribunál atu dezisté tiha ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa akordu dame ne'e.

3. Krime ofensa ba integridade fízika simples ho natureza violénsia doméstika

Nú. Prosesu : 0001/22.OEBCN
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout

Desizaun

: Pena prizaun fulan 6 suspende ba tinan 1

Iha 06 Maiu 2022, Tribunál Distritál Oekusi prezide julgamentu leitura sentensa ba kazu ofensa ba integridade fízika simples ho natureza violénsia doméstika ne'ebé envolve arguidu JP hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 01 Janeiru 2022, maizumenus iha oras tuku 09:00 dadeer, arguidu riba lezada ba rai, rezulta lezada nia ain-tuur hetan kanek kois no moras, bainhira lezada hamrik fali, arguidu kontinua basa dala ida iha lezada nia hasan parte loos rezulta lezada sofre moras. Antes agresaun ne'e, arguidu ho lezada diskute malu kona-ba arguidu ho lezada ba iha viziñu nia uma hodi komprementa, tanba festa ano-novo no viziñu fó tua sabu ba lezada hemu no arguidu lakohi atu lezada hemu, maibé arguidu la koalía sai no nonook de'it. Ho nune'e mosu agresaun hirak ne'e. Kazu ne'e aneksu hamutuk ho relatóriu médiku husi Sentru Saude Baocnana no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene hahalok sira hanesan ne'e ladiak tanba apenas halo lezada sofre moras. Depoisde akontesementu arguidu arrepende ona nia hahalok, diak malu ona to'o agora moris hamutuk nafatin iha uma ida hanesan feen ho la'en, foin primeiravés mai hatan iha tribunál, promete sei larepete hahalok hanesan iha futuro, serbisu hanesan toos na'in laiha rendementu fixu kada fulan no iha oan na'in haat arguidu mak tau matan ba iha sira nia nessesidade uma laran nian.

Alende ne'e, lezada kontinua konfirma faktu hotu iha akuzasaun no deklarata katak depoisde akontesementu to'o agora arguidu lahala ona agresaun fízika hasoru lezada no desde sira hola malu to'o agora arguidu foin primeiravés halo agresaun fízika hasoru lezada. Lezada kontinua reforsa liután katak depoisde akontesementu sira dame malu kedas to'o agora kontinua moris hamutuk nafatin iha uma ida.

Alegasaun finál

Prokuradór konsidera arguidu ninia asaun ne'e priense duni elementu husi krime ofensa ba integridade fízika simples ho natureza violénsia doméstika hasoru nia feen. Tanba ne'e, prokuradór laiha duvida ba faktu sira hotu iha akuzasaun no husu ba tribunál atu kondena arguidu ho pena prizaun tinan 1 suspende ba tinan 1, atu nune'e bele iha prevensaun jerál ba arguidu no ema seluk labele halo tuir iha futuro.

Enkuantu defeza haktuir katak arguidu kolabora diak ho tribunál, konfesa faktu hotu iha akuzasaun depoisde akontesementu arguidu sente hahalok hanesan ne'e ladiak, arrepende ona nia hahalok, diak malu ona to'o agora moris hamutuk nafatin iha uma ida

hanesan feen ho la'en, foin primeiravés mai hatan iha tribunál, promete sei larepete hikas hahalok ne'e iha futuru, serbisu hanesan toos na'in laiha rendementu fixu kada fulan, iha oan na'in haat no arguidu mak iha responsabilidade maximu ba lezada ho nia família sira.

Desizaun

Depoisde avalia faktu hotu, tribunál prova katak arguidu riba lezada ba rai, rezulta lezada nia ain-tuur hetan kanek kois no moras, bainhira lezada hamrik fali, arguidu kontinua basa dala ida iha lezada nia hasan parte loos rezulta lezada sofre moras.

Bazeia ba faktu provadu sira ne'e no tetu mós ho sirkunstánsia atenuante sira hanesan, arguidu konfesa, arrepende ona nia hahalok, diak malu ona ho lezada, foin primeiravés mai hatan iha tribunál no promete sei la komete tan krime hanesan iha futuru.

4. Krime ofensa ba integridade física simples ho natureza violéncia doméstika

Nú. Prosesu : 0107/21.OESIC
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun fulan 6 suspende ba tinan 1

Iha 06 Maiu 2022, Tribunál Distritál Oekusi prezide julgamentu leitura sentensa ba kazu ofensa ba integridade física simples ho natureza violéncia doméstika ne'ebé envolve arguidu FA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 04 Novembru 2021, maizumenus iha oras tuku 11:00 dadeer, arguidu buti dala ida iha lezada nia kakorok, rezulta kanek no moras. Antes agresaun ne'e, arguidu ho lezada diskute malu kona-ba lezada fanu arguidu atu halo serbisu, ho nune'e mosu agresaun ne'e. Kazu ne'e aneksu hamutuk ho relatóriu médiku husi Ospital Referál Oekusi no fotografia kona-ba aktu violéncia ne'e hasai husi polisia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa integralmente ba faktu hotu iha akuzasaun no deklarara mós katak buti lezada nia kakorok bele kauza lezada sofre moras maibé arguidu ho hakarak rasik komete aktu ne'e. Arguidu deklarara liután katak depoisde akontesementu lezada mak ba apresenta keixa iha polisia no kontinua ba iha Uma Mahon maibé kuandu sai fali husi Uma Mahon to'o agora lezada lafila ba iha sira nia uma. Depoisde akontesementu arguidu sente hahalok hanesan ne'e ladiak no arrepende ona nia hahalok, maibé to'o agora seidauk diak malu ho lezada, foin primeiravés mai hatan iha tribunál, promete sei larepete hahalok hanesan iha futuru, serbisu hanesan funsionariu kontratadu iha olio-pezadu ho rendementu kada fulan US\$260.00 no iha oan na'in ida.

Prokuradór husu ba tribunál atu presinde lezada nia deklarasaun no husi parte defeza laiha opsaun seluk. Tanba ne'e, tribunál bazeia ba pedidu ne'e no presinde lezada nia deklarasaun tanba arguidu konfesa faktu hotu iha akuzasaun.

Alegasaun finál

Prokuradór konsidera arguidu nia hahalok ne'e priense duni elementu husi krime ofensa ba integridade fízika simples ho natureza violénsia doméstika hasoru nia feen. Tanba ne'e, prokuradór laiha duvida ba faktu sira hotu iha akuzasaun no husu ba tribunál atu kondena arguidu ho pena prizaun fulan neen suspende ba tinan ida, nune'e prevene arguidu atu la repete hikas ninia hahalok ne'e iha futuro.

Entretantu defeza husu ba tribunál atu kondena arguidu ho pena ne'ebé kmaan ho konsiderasaun sira katak, arguidu konfesa, arrepende nia hahalok, promete sei la repete tan hahalok hanesan iha futuro no foin primeiravés mai hatan iha tribunál.

Desizaun

Depoisde avalia ba faktu hotu, tribunál prova katak arguidu buti dala ida iha lezada nia kakorok, rezulta kanek no moras. Antes agresaun ne'e, arguidu ho lezada diskute malu kona-ba lezada fanu arguidu atu halo serbisu, ho nune'e mosu agresaun ne'e.

Bazeia ba faktu provadu sira ne'e hotu no tetu mós ho sirkunstánsia atenuantes sira hanesan arguidu konfesa, arrepende nia hahalok, foin primeiravés mai hatan iha tribunál no promete sei la komete tan krime hanesan iha futuro. Nune'e tribunál konklui prosesu ne'e no kondena arguidu ho pena prizaun fulan neen suspende ba tinan ida.

5. Krime ofensa ba integridade fízika simples ho natureza violénsia doméstika

Nú. Prosesu	: 0030/21.OEPSB
Kompozisaun Tribunál	: Singulár
Juis	: Dr. Hugo da Cruz Pui
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena admoestasaun

Iha 06 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AO hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 02 Dezembru 2021, maizumenus iha oras tuku 10:00 dadeer, arguidu basa dala rua iha lezada nia hasan parte loos no buti dala ida iha lezada nia kakorok. Antes agresaun ne'e, arguidu toman lezada amante (*selingkuh*) ho mane seluk. Ho nune'e mosu agresaun hirak ne'e. Kazu ne'e aneksu hamutuk ho relatóriu médiku husi Sentru Saude Pasabe no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no deklara katak depoisde akontesementu arguidu hatene katak hahalok hanesan ne'e ladiak no arrepende ona nia hahalok, arguidu mós deklara katak komete aktu ne'e hasoru lezada, tanba toman lezada amante ho mane seluk. Arguidu haktuir tan katak depoisde akontesementu lezada ho arguidu fahe malu ka moris keta-ketak to'o agora, arguidu ho lezada durante moris hamutuk seidauk iha oan, foin primeiravés mai hatan iha tribunál, promote sei larepete hahalok hanesan iha futuro, serbisu hanesan professor ho rendementu kada fulan US\$260.00.

Enkuantu lezada kontinua konfirma faktu hotu iha akuzasaun no deklara mós katak depoisde akontesimntu ne'e to'o agora moris keta-ketak no durante moris hamutuk seidauk iha oan.

Alegasaun finál

Prokuradór haktuir katak mezmu arguidu sente lasatisfetu ho lezada nia hahalok maibé labele halo atuasaun ba kualker problema sira hanesan ne'e ho violénsia. Tanba ne'e, prokuradór konsidera hahalok arguidu provadu no priense duni elementu krime ofensa ba integridade fízika simples ho natureza violénsia doméstika hasoru nia feen. Tanba ne'e, prokuradór laiha duvida ba faktu sira hotu iha akuzasaun no husu ba tribunál atu aplika pena prizaun tinan ida suspende ba tinan ida.

Entretantu defeza haktuir katak arguidu komete aktu ne'e hasoru lezada, tanba iha provokasaun, mezmu nune'e arguidu konfesa, arrepende ona nia hahalok, foin primeiravés mai hatan iha tribunál no promete sei la komete tan hahalok hanesan iha futuro, serbisu hanesan professor ho rendementu kada fulan US\$260.00. Tanba ne'e, husu ba tribunál atu kondena arguidu ho pena admoestasaun.

Desizaun

Depoisde avalia faktu hotu, tribunál prova katak arguidu basa dala rua iha lezada nia hasan parte loos no buti dala ida iha lezada nia kakorok.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, foin primeiravés mai hatan iha tribunál no promete sei la komete tan faktu hanesan iha futuro, ho nune'e tribunál konklui prosesu ne'e no kondena arguidu ho pena admoestasaun.

6. Krime ofensa korporál resíproka

Nú. Prosesu	: 0013/21.OEBCN
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Mateus Nesi

Defeza : Dr. Marcelino Marques Coro
Desizaun : Omologa pedidu dezisténsia keixa

Iha 06 Maiu 2022, Tribunál Distritál Oekusi prezide julgamentu tentativa konsiliaun ba kazu ofensa korporál resíproka ne'ebé envolve arguidu BC ho nia feen arguida SdFC, iha Distritu Oekusi.

Akuzasaun Prokuradór

Prokuradór akuza katak iha 13 Jullu 2021, iha oras tuku 19:00 lokraik, arguida lori bote tuda dala ida iha arguidu nia kanuruk la satifas ho arguida ninia hahalok ne'e arguidu lori bote tuda fali arguida, arguidu kontinua basa dala rua iha arguida nia ulun no riba arguida ba rai no kauza arguida sofre moras. Kazu ne'e aneksa hamutuk ho relatóriu médiku husi Sentru Saúde Baocnana no fotografia kona-ba aktu violénsia sira ne'e hasai husi polísia.

Prokuradór akuza arguidu no arguida kontra artigu 151 KP kona-ba krime ofensa korporál resíproka ho moldura penál to'o tinan 2 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no arguida.

Iha prosesu konsiliaun ne'e, arguida no arguidu hakarak dame malu de'it sein kondisaun tanba arguidu ho arguida hanesan feen ho laen no promete sei la repete tan hahalok hanesan iha futuro, nune'e tribunál dezisté tiha keixa ne'e.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte tribunál konklui prosesu ne'e no omologa pedidu dezisténsia keixa ne'e no absolve arguidu ho arguida husi prosesu ne'e sein kondisaun.

7. Krime ofensa ba integridade fízika simples

Nú. Prosesu : 0048/19.OEBCN
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Omologa pedidu dezisténsia keixa

Iha 06 Maiu 2022, Tribunál Distritál Oekusi prezide julgamentu tentativa konsiliaun ba kazu ofensa ba integridade fízika simples ne'ebé envolve arguidu Andreas Quelo Obe (aman) ho João Obe (oan) hasoru lezadu David Obe (oan), iha Aldeia Queno, Suku Lelaufe, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 01 Jullu 2019, iha oras tuku 09:00 dadeer, arguidu Andreas tuku dala ida iha lezadu nia reen-toos rezulta lezadu sofre moras no arguidu Joao tuku dala ida iha lezadu nia kanuruk no tuku dala ida iha lezadu nia kakorok. Antes agresaun ne'e, arguidu sira ho lezadu diskute malu kona-ba rai, ho nune'e mosu agresaun hirak ne'e. Kazu ne'e aneksa hamutuk ho relatóriu médiku husi Sentru Saúde Baocnana no fotografia kona-ba aktu violénsia sira ne'e hasai husi polísia.

Prokuradór akuza arguidu na'in rua kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu na'in rua ho lezadu.

Iha prosesu konsiliaun ne'e, lezadu hakarak dame malu ho arguidu sira sein kondisaun, importante iha futuru arguidu sira la bele repete hikas sira nia hahalok ne'e hasoru lezadu ka ema seluk. Enkuantu husi arguidu sira mós konkorda ho pedidu lezadu nian tanba sira mesak família no deklara katak arrepende ona sira nia hahalok no promete sei la repete tan hahalok hanesan iha futuru, nune'e lezadu husu ba tribunál atu dezisté tiha ninia-keixa hasoru arguidu sira.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa akordu dame ne'e.

8. Krime ofensa ba integridade fízika simples

Nú. Prosesu	: 0043/21.OESIC
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Omologa pedidu dezisténsia keixa

Iha 09 Maiu 2022, Tribunál Distritál Oekusi prezide julgamentu tentativa konsiliaun ba kazu ofensa ba integridade fízika simples ne'ebé envolve arguidu Alexandre Bobo Tani ho Jose Acasio Noronha das Neves hasoru lezadu Crisanto Ulan Falo, Emanuel Falo ho Frederico da C. Falo, iha Aldeia Oesono, Suku Costa, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 24 Abril 2021, iha oras tuku 14:00 meiodia, arguidu Alexandre sama lezadu Crisanto nia hirus matan rabat ba rai, bainhira lezadu Emanuel no Frederico tenta atu hakalma situasaun ne'e. Arguidu Alexandre kontinua tuku dala ida iha lezadu Emanuel nia kotuk no tebe dala ida iha lezadu Frederico ninia kelen rezulta lezadu sofre moras. Entretantu arguidu Jose tuku dala rua iha lezadu Crisanto nia kotuk no tuku dala ida iha lezadu Emanuel nia reen-toos no tebe dala rua iha lezadu Frederico nia kelen. Kazu ne'e aneksa hamutuk ho relatóriu médiku husi Ospital Referral Oekusi no fotografia kona-ba aktu violénsia sira ne'e hasai husi polísia.

Prokuradór akuza arguidu na'in rua kontra artigu 145 KP kona-ba krime ofensa ba integridade física simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu sira no lezadu sira.

Iha prosesu konsiliaun ne'e, lezadu sira hakarak dame malu ho arguidu sira maibé ho kondisaun arguidu sira tenke fó US\$100.00 ba lezadu sira no iha futuru arguidu sira la bele repete hikak hahalok sira ne'e hasoru lezadu sira ka ema seluk. Enkuantu husi arguidu sira mós konkorda ho pedidu lezadu sira nian no deklara katak arrepende ona sira nia hahalok no promete sei la repete tan hahalok hanesan iha futuru, nune'e lezadu sira husu ba tribunál atu dezisté tiha sira ninia keixa hasoru arguidu sira.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa akordu dame ne'e no ho kondisaun arguidu sira sei fó osan ho valor US\$100.00 ba lezadu sira.

9. Krime ameasa

Nú. Prosesu	: 0015/21.OEBCN
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Mateus Nesi
Defeza	: Dr. Calisto Tout
Desizaun	: Omologa pedidu dezisténsia keixa

Iha 09 Maiu 2022, Tribunál Distritál Oekusi prezide julgamentu tentativa konsiliaun ba kazu krime ameasa ne'ebé envolve arguidu Elvis da Silva hasoru lezadu Nilton Joanico Cofitalan Meco, iha Aldeia Citrana, Suku Beneufe, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 19 Juñu 2021, iha oras tuku 20:00 kalan, arguidu ho kondisaun lanu tolok lezadu no ameasa lezadu katak “*sei oho ó Joanico*”. Depoisode akontesementu ne’e lezadu ba apresenta keixa iha Eskuadra Polísia Baocnana.

Prokuradór akuza arguidu kontra artigu 157 KP kona-ba krime ameasa ho moldura penál to’o tinan 1 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliausaun, nune’e antes tama ba julgamentu produsaun ba prova, juis husu atu halo tentativa konsiliausaun ba arguidu ho lezadu.

Iha prosesu konsiliausaun ne’e, lezadu hakarak dame malu de’it ho arguidu sein kondisaun, importante iha futuru arguidu labele repete hikas nia hahalok ne’e hasoru lezadu ka ema seluk. Enkuantu husi arguidu mós konkorda ho pedidu lezadu nian no deklarata katak arrepende ona nia hahalok no promete sei la repete tan hahalok hanesan iha futuru, nune’e lezadu husu ba tribunál atu dezisté tiha ninia-keixa hasoru arguidu.

Alegasaun finál

Prokuradór no defeza apresia akordu dame ne’ebé parte rua decide ona no husu ba tribunál atu omologa prosesu ne’e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne’e no omologa akordu dame ne’e.

10. Krime ofensa ba integridade fízika simples

Nú. Prosesu	: 0105/20.OESIC
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Omologa pedidu dezisténsia keixa

Iha 10 Maiu 2022, Tribunál Distritál Oekusi prezide julgamentu tentativa konsiliausaun ba kazu ofensa ba integridade fízika simples ne’ebé envolve arguidu Nokolaus Teme hasoru lezadu Aguosto Neno, iha Aldeia Bausiu, Suku Nipani, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 16 Novembru 2021, iha oras tuku 14:00 meiodia, arguidu riba lezadu ba iha rai no tuku lezadu dala rua iha lezadu nia reen toos rezulta lezadu sofre moras. Antes agresaun ne’e, lezadu ba iha arguidu nia kioske atu sosa sigaru, maibé testemuña Roza de Lima hanesan arguidu nia feen resposta katak sigaru hotu, nune’e lezadu fila tiha, maibé lakleur lezadu fila fali mai no husu nafatin atu sosa sigaru halo

arguidu hirus hodi komete aktu ne'e hasoru lezadu. Kazu ne'e aneksa hamutuk ho relatóriu médiu husi Ospital Referál Oekusi no fotografia kona-ba aktu violénsia sira ne'e hasai husi polisia.

Prokuradór akuza arguidu na'in rua kontra artigu 145 KP kona-ba krime ofensa ba integridade física simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu konsiliaun ne'e, lezadu hakarak dame malu ho arguidu maibé ho kondisaun arguidu tenke fó US\$50.00 ba iha lezadu no promete iha futuru sei la repete hikas hahalok hanesan hasoru lezadu ka ema seluk. Alende ne'e arguidu mós konkorda ho pedidu lezadu nian no deklarata katak arrepende ona nia hahalok no promete sei la repete tan hahalok hanesan iha futuru, nune'e lezadu husu ba tribunál atu deziste tiha ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa pedidu dezisténsia keixa ne'e no absolve arguidu husi prosesu ne'e no kondisaun arguidu sei fó osan US\$50.00, ba lezadu.

11. Krime ofensa ba integridade física simples ho natureza violénsia doméstika

Nú. Prosesu : 0015/21.OEOSL
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun fulan 8 suspende ba tinan 1

Iha 16 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu AC hasoru nia feen YFE ho nia oan AC, iha Distritu Oekusi.

Akuzasaun Prokuradór

Prokuradór akuza katak iha 08 Dezembru 2021, maizumenus iha oras tuku 20:00 kalan, lezadu AC halo nia alin tanis, nune'e arguidu hirus foti ai-sar futun kiik hodi baku dala ida iha lezadu nia ain kabun parte loos rezulta bubu no moras. Ho nune'e lezada YFE dehan ba arguidu katak labele baku labarik, kolia ho ibun de'it. Arguidu rona liafuan ne'e ho hirus kontinua tebe dala ida iha lezada nia liman rezulta lezada sofre moras iha liman. Kazu

ne'e aneksu hamutuk ho relatóriu médiku husi Sentru Saude Oesilo no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a, c), 35(b) no 36 LKVD.

Produsaun ba prova sira

Iha julgamentu, arguidu konfesa integralmente ba faktu hotu iha akuzasaun no hatene uza ai-sar no tebe hanesan ne'e ladi'ak no bele halo lezada no lezadu sofre moras. Arguidu haktuir tan katak arguidu halo aktu violénsia ne'e ho hakarak rasik no laiha ema ruma mak haruka. Depoisde akontesementu, arguidu arrepende ona nia hahalok, diak malu ona ho lezada no lezadu, foin primeiravés mai hatan iha tribunál no promete sei larepete hikas hahalok ne'e iha futuru, serbisu hanesan toos na'in laiha rendimentu fixu kada fulan no iha oan na'in tolu.

Alende ne'e, lezada no lezadu konfirma faktu hotu iha akuzasaun no deklara katak depoisde akontesimentu ne'e di'ak malu ona ho arguidu.

Alegasaun finál

Prokuradór haktuir katak laiha duvida ba faktu sira ne'ebé deskreve ona iha akuzasaun no konsidera hahalok arguidu nian iha duni indisius forte pratika krime ofensa ba integridade fízika simples ho natureza violénsia doméstika hasoru nia feen ho nia oan, Tanba ne'e, prokuradór husu ba tribunál atu aplika pena prizaun tinan ida suspende ba tinan ida.

Entretantu defeza husu ba tribunál atu kondena arguidu ho pena ne'ebé adekuadu ho konsiderasaun, arguidu konfesa faktu hotu, arrepende ona nia hahalok, diak malu ona ho lezada, foin primeiravés mai hatan iha tribunál no promete sei la repete tan hahalok hanesan iha futuru.

Desizaun

Depoisde avalia faktu hotu, tribunál prova katak arguidu hirus foti ai-sar futun kiik hodi baku dala ida iha lezadu nia ain kabun parte loos rezulta bubu no moras. Ho nune'e lezada YFE dehan ba arguidu katak labele baku labarik, kolia ho ibun de'it. Arguidu rona liafuan ne'e ho hirus kontinua tebe dala ida iha lezada nia liman rezulta lezada sofre moras iha liman.

Bazeia ba faktu provadu sira ne'e hotu no tetu mós ho sirkunstánsia atenuante sira, hanesan arguidu konfesa, arrepende ona nia hahalok, diak malu ona ho lezada, foin primeiravés mai hatan iha tribunál no promete sei la komete tan krime hanesan iha futuru. Ho nune'e tribunál konklui prosesu no kondena arguidu prátika krime hasoru nia oan ho pena prizaun fulan tolu no prátika krime hasoru nia feen ho pena prizaun fulan neen. Maibé tuir lei la fó dalan atu tribunál kondena arguidu ho pena keta-ketak, nune'e tribunál aplika pena unika ba arguidu ho pena prizaun fulan ualu suspende ba tinan ida.

12. Krime ofensa ba integridade fízika simples

Nú. Prosesu : 0068/21.OEPMK
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Omologa pedidu dezisténsia keixa

Iha 16 Maiu 2022, Tribunál Distritál Oekusi prezide julgamentu tentativa konsiliaisaun ba kazu krime ofensa ba integridade fízika simples ne'ebé envolve arguidu Alexandre Tani hasoru lezada Lucia Corbafo, iha Aldeia Sanane, Suku Costa Sub-distritu, Pante-makasar, Distritu Oekusi.

Akuzasaun Prokuradór

Prokuradór akuza katak iha 13 Jullu 2021, iha oras tuku 18:00 lokraik, arguidu aperta lezada nia kakorok no rasta lezada nia kabaas no rezulta lezada sofre moras. Antes agresaun ne'e, arguidu ho lezada diskute malu kona-ba arguidu nia maluk sira ta'a ai-kafe sein kuñesementu husi lezada nu'udar na'in ba ai-kafe sira ne'e. Kazu ne'e aneksu hamutuk ho relatóriu médiku husi Ospital Referál Oekusi no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaisaun, nune'e antes tama ba julgamentu produsaun ba prova, juis husu atu halo tentativa konsiliaisaun ba arguidu ho lezada.

Iha prosesu konsiliaisaun ne'e, lezada hakarak dame malu de'it ho arguidu sein kondisaun, importante iha futuru arguidu labele repete hikis nia hahalok ne'e hasoru lezada ka ema seluk. Enkuantu arguidu konkorda ho pedidu lezada nian no deklara katak arrepende ona nia hahalok no promete sei la repete tan hahalok hanesan iha futuru, nune'e lezada husu ba tribunál atu dezisté tiha ninia-keixa hasoru arguidu perante iha tribunál nia oin.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezada, tribunál konklui prosesu ne'e no omologa dezisténsia keixa ne'e.

13. Krime ameasa

Nú. Prosesu : 0083/21.OEPMK

Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Omologa pedidu dezisténsia keixa

Iha 17 Maiu 2022, Tribunál Distritál Oekusi prezide julgamentu tentativa konsiliaun ba kazu krime ameasa ne'ebé envolve arguidu João Tabes hasoru lezadu Alexandre Bobo Tani, iha Aldeia Oesono, Suku Costa, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 07 Setembru 2021, iha oras tuku 08:30 dadeer, arguidu ameasa atu taa lezadu, nune'e rezulta lezadu tauk no trauma, kazu ne'e akontese tanba arguidu taka tiha dalan ho ai-tarak. Ho nune'e lezadu husu ba arguidu "*tanba saida mak avo taka tiha dalan ne'e,*" rona tiha liafuan ne'e arguidu ameasa atu taa lezadu, maibé lakonsege tanba lezadu hamrik hela iha lutu liur no arguidu hamrik iha lutu laran.

Prokuradór akuza arguidu kontra artigu 157 KP kona-ba krime ameasa ho moldura penál to'o tinan 1 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu konsiliaun ne'e, lezadu hakarak dame malu de'it ho arguidu sein kondisaun, importante iha futuru arguidu labele repete hikis nia hahalok ne'e hasoru lezadu. Alende ne'e arguidu mós konkorda ho pedidu lezadu nian no deklara katak arrepende ona nia hahalok no promete sei la repete tan hahalok hanesan iha futuru, nune'e lezadu husu ba tribunál atu dezisté tiha ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa pedidu dezisténsia keixa ne'e.

14. Krime ameasa

Nú. Prosesu : 0082/21.OEPMK
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Omologa pedidu dezisténsia keixa

Iha 17 Maiu 2022, Tribunál Distritál Oekusi prezide julgamentu tentativa konsiliaun ba kazu krime ameasa ne'ebé envolve arguidu Alexandre Bobo Tani hasoru lezadu João Tabes, iha Aldeia Oesono, Suku Costa, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 06 Setembru 2021, iha oras tuku 18:00 lokraik, arguidu kaer katana ameasa lezada nune'e "*ó mangame hau tama ba tetak halo rahun, ó nia ulun.*" Rezulta lezadu tauk no trauma. Antes agresaun ne'e, lezadu hadia hela lutu no tau aitarak hodi taka tiha dalan ba arguidu labele liu ba sira nia uma, ho nune'e arguidu ameasa lezadu.

Prokuradór akuza arguidu kontra artigu 157 KP kona-ba krime ameasa ho moldura penál to'o tinan 1 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu konsiliaun ne'e, lezadu hakarak dame malu de'it ho arguidu sein kondisaun, importante iha futuru arguidu labele repete hikas nia hahalok ne'e hasoru lezadu. Alende ne'e arguidu mós konkorda ho pedidu lezadu nian no deklara katak arrepende ona nia hahalok no promete sei la repete tan hahalok hanesan iha futuru, nune'e lezadu husu ba tribunál atu dezisté tiha ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konklui prosesu ne'e no omologa pedidu dezisténsia keixa ne'e.

15. Krime ofensa korporál resíproka

Nú. Prosesu	: 0037/20.OEBCN
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Omologa pedidu dezisténsia keixa

Iha 17 Maiu 2022, Tribunál Distritál Oekusi prezide julgamentu tentativa konsiliaun ba kazu krime ofensa korporál resíproka ne'ebé envolve arguidu Angelo Sananulu Barbara ho nia feen arguida Rozita Beno Coa, iha Aldeia Bona, Suku Usitaco, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 23 Dezembru 2021, iha oras tuku 15:00 lokraik, iha akontesimentu ne'e udan hela halo lezadu Angelo fila uma tarde no arguida hirus foti tahu-rai nian tuda lezadu kona iha ulun rezulta lezadu sofre moras. Husi akontesementu ne'e no lezadu lasatisfas ho arguida nia hahalok ne'e no lezadu Angelo mós hirus basa dala ida iha lezada Rozita nia hasan karuk rezulta lezada sofre moras.

Prokuradór akuza arguidu ho arguida kontra artigu 151 KP kona-ba krime ofensa korporál resíproka ho moldura penál to'o tinan 2 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliausaun, nune'e antes tama ba julgamentu produsaun ba prova, juis husu atu halo tentativa konsiliausaun ba arguidu ho arguida hanesan mós lezadu ho lezada.

Iha prosesu konsiliausaun ne'e, lezadu ho lezada hanesan mós arguidu ho arguida hakarak dame malu de'it sein kondisaun tanba sira na'in rua henasan feen ho laen no depoisde akontesementu sira na'in rua kontinua dame malu kedas too agora laiha tan problema seluk. Arguidu ho arguida hanesan mós lezadu ho lezada arrepende ona ba sira nia hahalok no promete sei la repete tan hahalok hanesan iha futuru, nune'e lezadu ho lezada husu ba tribunál atu deziste tiha sira ninia-keixa.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu ho lezada tribunál konklui prosesu ne'e no omologa pedidu dezisténsia keixa ne'e no absolve arguidu ho arguida husi prosesu ne'e sein kondisaun ruma.

16. Krime ofensa ba integridade física simples ho natureza violência doméstica

Nú. Prosesu : 0007/21.OEOSL
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 1 suspende ba tinan 1

Iha 17 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violência doméstica ne'ebé envolve arguidu ML hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 02 Jullu 2021, maizumenus iha oras tuku 09:00 dadeer, arguidu basa dala ida iha lezada nia kanuruk no basa dala ida besik lezada nia matan rezulta lezada sofre moras. La too iha ne'e de'it, arguidu rasta lezada nia fuuk no riba lezada ba didin lolon rezulta lezada sofre moras. Antes agresaun ne'e, arguidu ho lezada diskute malu kona-ba arguidu labele partisipa iha lia mate, tanba arguidu moras. Kazu ne'e aneksu hamutuk ho relatóriu médiku husi Sentru Saúde Oesilo no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa integralmente ba faktu hotu iha akuzasaun no hatene basa no riba lezada ba didin lolon bele sofre moras maibé arguidu halo ho hakarak rasik sein haruka husi ema seluk. Depoisde akontesementu, arguidu sente hahalok hanesan ne'e ladiak, arrepende ona nia hahalok, diak malu ona ho lezada no too agora laiha tan problema seluk, foin primeiravés mai hatan iha tribunál, promete sei larepete hahalok hanesan iha futuro, serbisu hanesan toos na'in laiha rendementu fixu kada fulan no iha oan na'in tolu.

Alende ne'e, lezada kontinua konfirma faktu hotu iha akuzasaun no deklara katak foin primeiravés komete krime hasoru lezada no depoisde akontesementu arguidu ho lezada dame malu kedas too agora laiha tan problema seluk.

Alegasaun finál

Prokuradór husu ba tribunál atu aplika pena prizaun fulan neen suspende ba tinan ida tanba konsidera hahalok arguidu nian prenze duni elementu krime ofensa ba integridade fízika simples ho natureza violénsia doméstika hasoru nia feen. Tanba ne'e, prokuradór laiha duvida ba faktu sira hotu iha akuzasaun ho razaun durante iha produsaun ba prova arguidu rasik konfesa.

Enkuantu defeza haktuir katak iha produsaun ba prova, arguidu kolabora diak ho tribunál hodi konfesa integralmente ba faktu hotu sein rezerva. Defeza saliénta liután katak depoisde akontesementu arguidu sente hahalok hanesan ne'e ladiak, arrepende ona nia hahalok, diak malu ona no to'o agora laiha tan problema seluk, foin primeiravés mai hatan iha tribunál, promete sei larepete hahalok hanesan iha futuro, serbisu hanesan toos na'in laiha rendimentu fixu kada fulan, iha oan na'in tolu no arguidu mak iha responsabilidade maximu ba nia família. Tanba ne'e, defeza husu ba tribunál atu aplika pena ne'ebé kmaan ba arguidu.

Desizaun

Depoisde avalia faktu hotu tribunál prova katak arguidu basa dala ida iha lezada nia kanuruk no basa dala ida besik lezada nia matan rezulta lezada sofre moras. La too iha ne'e de'it, arguidu rasta lezada nia fuuk no riba lezada ba didin lolon rezulta lezada sofre moras.

Bazeia ba faktu provadu sira ne'e hotu no tetu mós ho sirkunstánsia atenuantes sira hanesan arguidu konfesa, arrepende ona nia hahalok, foin primeiravés mai hatan iha tribunál no promete sei la komete tan krime hanesan iha futuru, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

17. Krime ofensa ba integridade física simples ho natureza violénsia doméstika

Nú. Prosesu : 0006/21.OEOSL
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Pena prizaun tinan 1 fulan 6 suspende ba tinan 2

Iha 17 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu PE hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 27 Maiu 2021, maizumenus iha oras tuku 11:00 dadeer, arguidu basa dala ida iha lezada nia hasan parte loos no basa dala ida iha lezada nia hasan parte karuk no kontinua tuku dala ida iha lezada nia ulun. Antes agresaun ne'e, arguidu ho lezada diskute malu kona-ba bainhira arguidu ho lezada fila husi haree karau ne'ebé kesi hela iha toos, arguidu hakarak lezada fila modo lalais maibé *mina-goreng* hotu, nune'e lezada sei ba sosa iha kioske. Kazu ne'e aneksu hamutuk ho relatóriu médiku husi Sentru Saúde Oesilo no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesementu arguidu hatene katak hahalok hanesan ne'e ladiak, arrepende ona nia hahalok. Arguidu haktuir tan katak depoisde akontesementu lezada mak ba apresenta keixa iha Polísia Eskuadra Oesilo no iha momentu ne'e kedas lezada deside sai husi uma ba hela hamutuk fali ho nia inan/aman too agora. Arguidu serbisu hanesan toos na'in laiha rendimentu fiksi kada fulan no arguidu sei hakarak atu moris hamutuk ho lezada maibé lezada rasik mak lakohi ona atu moris hamutuk ho arguidu.

Alende ne'e, lezada kontinua konfirma faktu hotu iha akuzasaun no deklara katak depoisde akontesementu too agora lezada ho arguidu moris keta-ketak tanba arguidu sempre baku lezada. Lezada deklara liután katak arguidu nia hahalok sira ne'ebé antes ne'e komete hasoru lezada, lezada nunca keixa. Lezada mós deklara katak lakohi ona

atu moris hamutuk ho arguidu no laperdua arguidu nia hahalok ne'ebé komete hasoru lezada.

Alegasaun finál

Prokuradór konsidera arguidu hanesan ema ne'ebé violentu, tanba sempre komete krime hasoru lezada, too lezada deside lakohi moris hamutuk ona ho lezada, nune'e husu ba tribunál atu aplika pena prizaun tinan 3 suspende ba tinan 3.

Enkuantu defeza husu ba tribunál atu aplika pena ne'ebé adekuadu ba arguidu ho konsiderasaun katak, arguidu konfesa, arrepende ona nia hahalok no foin primeiravés mai hatan iha tribunál no depoisde akontesementu ne'e lezada mak ba hela tiha ho nia inan aman no lakohi atu moris hamutuk ona ho arguidu.

Desizaun

Depoisde avalia ba faktu hotu, tribunál prova katak arguidu basa dala ida iha lezada nia hasan parte loos no basa dala ida iha lezada nia hasan parte karuk no kontinua tuku dala ida iha lezada nia ulun.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende ona nia hahalok, nune'e tribunál konklui prosesu ne'e no kondena arguidu ho pena prizaun tinan ida fulan neen suspende ba tinan rua.

18. Krime kondusaun sein karta

Nú. Prosesu	: 0081/21.OESIC
Kompozisaun Tribunál	: Singulár
Juis	: Dr. Hugo da Cruz Pui
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena multa US\$60.00

Iha 18 Maiu 2022, Tribunál Distritál Oekusi prezide julgamentu leitura sentensa ba krime kondusaun sein karta ne'ebé envolve arguidu JTE hasoru Estadu RDTL, iha Aldeia Baqui, Suku Naimeco, Sub-Distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 31 Agostu 2021, maizumenus iha oras tuku 08.00 dadeer, arguidu kondus motorizada ho marka Honda-revo laiha número martikula halai iha dalan públiku to'o iha área Baqui polísia pasa revista no detekta arguidu laiha karta kondusaun.

Prokuradór akuza arguidu kontra artigu 207 Kódigu Penál kona-ba krime kondusaun sein karta ho moldura penál too tinan 2 ka multa.

Produsaun ba prova sira

Iha julgamentu, arguidu konfesa faktu hotu iha akuzasaun no deklara katak arrepende ona nia hahalok, foin primeiravés mai hatan iha tribunál. Arguidu deklara katak hahalok

hanesan ne'e ladiak no kontra lei Timor, arguidu sei klosan no hanesan dezempregadu laiha rendimentu fixu kada fulan no arguidu hatene lori motor maizumenus tinan 1 ona.

Prokuradór husu ba tribunál atu prezinde testemuña nia depoimentu, tanba arguidu konfesa faktu hotu iha akuzasaun.

Alegasaun finál

Prokuradór konsidera arguidu provadu komete krime kondusaun sein karta bazeia ba konfisaun arguidu nian. Prokuradór mós hatutan liután katak arguidu hatene lori motor tina ida ona maibé seidak iha karta kondusaun no arguidu nia hahalok ne'e bele perturba iha dalan publiku sira. Tanba ne'e husu ba tribunál atu kondena arguidu ho pena multa tuir artigu 207 KP.

Enkuantu defeza haktuir katak arguidu konfesa faktu sira hotu iha akuzasaun, arrepende nia hahalok no foin primeiravés mai hatan iha tribunál. Defeza hatutan liután katak arguidu sei klosan no laiha rendimentu fixu kada fulan no promete katak sei larepete hahalok ne'e iha futuru. Tanba ne'e husu ba tribunál atu aplika pena ne'ebé adekuadu ba arguidu tuir nia sala.

Desizaun

Depoisde avalia ba faktu hotu, tribunál prova katak arguidu kondus motorizada ho marka Honda-revo laiha número martikula halai iha dalan públiku to'o iha área Baqui polísia pasa revista no detekta arguidu laiha karta kondusaun.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende ona nia hahalok, ho nune'e tribunál konklui prosesu ne'e no kondena arguidu ho pena multa US\$60.00 ne'ebé kada lora arguidu sei selu 0.50 sentavus durante lora 120. Tribunál mós fiksa pena alternative durante lora 40 prizaun, bainhira arguidu la kumpri pena multa refere.

19. Krime ofensa ba integridade física simples ho natureza violénsia doméstika

Nú. Prosesu	: 0089/21.OEPMK
Kompozisaun Tribunál	: Singulár
Juis	: Dr. Hugo da Cruz Pui
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena admoestasau

Iha 18 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida TT hasoru nia laen, iha Distritu Oekusi.

Akuzasaun Prokuradór

Prokuradór akuza katak iha 02 Outubru 2021, maizumenus iha oras tuku 12:00 meudia, arguidu ho lezada diskute malu kona-ba bainhira lezadu fila ba uma ho kondisaun lanu, haree sira nia oan laiha uma, nune'e lezadu tolok arguida, lasatisfas ho arguidu ninia

hahalok ne'e arguida rasta no dudu lezadu monu tun iha semente leten rezulta lezadu nia matan nakles no sofre moras. Kazu ne'e aneksu hamutuk ho relatóriu médiku husi Ospítal Referál Oekusi no fotografia kona-ba aktu violénsia ne'e hasai husi polísia.

Prokuradór akuza arguida kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguida konfesa integralmente ba faktu hotu iha akuzasaun no hatene dudu lezadu monu tun iha rai bele sofre moras maibé arguida halo ho hakarak rasik sein haruka husi ema seluk. Depoizde akontesementu arguida sente hahalok hanesan ne'e ladiak no arrepende ona nia hahalok, diak malu ona too agora laiha tan problema seluk, foin primeiravés mai hatan iha tribunál, promete sei larepete hahalok hanesan iha futuru, serbisu hanesan toos na'in no dona decasa laiha rendementu fiksi kada fulan no iha oan na'in haat.

Prokuradór husu ba tribunál atu presinde lezadu nia deklarasaun no husi parte defeza laiha opsaun. Tanba ne'e, tribunál bazeia ba pedidu ne'e no presinde lezadu nia deklarasaun tanba arguidu rasik konfesa faktu hotu iha akuzasaun.

Alegasaun finál

Prokuradór husu ba tribunál atu aplika pena prizaun fulan neen suspende ba tinan ida, tanba konsidera hahalok arguida nian provadu preense duni elementu krime ofensa ba integridade fízika simples ho natureza violénsia doméstika hasoru nia feen.

Enkuantu defeza husu ba tribunál atu kondena arguidu ho pena ne'ebé adekuaudu ho konsiderasaun katak arguida konfesa no arrepende ona nia hahalok, serbisu hanesan dona decasa no toos na'in laiha rendementu fiksi kada fulan no arguida iha oan na'in haat.

Desizaun

Depoizde avalia faktu hotu, tribunál prova katak arguida rasta no dudu lezadu monu tun iha semente leten rezulta lezadu nia matan nakles no sofre moras.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende nia hahalok. Nune'e tribunál konklui prosesu ne'e no kondena arguida ho pena admoestasaun.

20. Krime ofensa ba integridade fízika simples ho natureza violénsia doméstika

Nú. Prosesu	: 0020/19.OEBCN
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan 1 suspende ba tinan 1

Iha 18 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ANT hasoru nia feton, iha Distritu Oekusi.

Akuzasaun Prokuradór

Prokuradór akuza katak iha 27 Juñu 2019, maizumenus iha oras tuku 17:00 lokraik, arguidu basa dala ida iha lezada nia hasan parte karuk no tebe dala ida iha lezada nia ibun. Aktu ne'e akontese bainhira arguidu toba hela, lezada fanu obriga arguidu atu hader hodi halo serbisu. Kazu ne'e aneksu hamutuk ho relatóriu médiku husi Sentru Saúde Baocnana no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(c) no 36 LKVD.

Produsaun ba prova sira

Iha julgamentu, arguidu konfesa integralmente ba faktu hotu iha akuzasaun no hatene basa no tebe lezada bele sofre moras, maibé arguidu halo aksaun ne'e ho hakarak rasik sein haruka husi ema seluk. Arguidu haktuir tan katak depoisde akontesementu lezada mak ba apresenta keixa iha polísia no kontinua ba halo tratamentu saúde iha Sentru Saúde Baocnana. Depoisde akontesementu arguidu sente hahalok hanesan ne'e ladiak no arrepende ona nia hahalok, diak malu ona ho lezada too agora laiha tan problema seluk, foin primeiravés mai hatan iha tribunál, promete sei larepete hahalok ne'e iha futuro, serbisu hanesan toos na'in laiha rendementu fiksi kada fulan no arguidu iha oan na'in ida.

Prokuradór husu ba tribunál atu presinde lezada nia deklarasaun no husi parte defeza laiha opsaun. Tanba ne'e, tribunál bazeia ba pedidu ne'e no presinde lezada nia deklarasaun tanba arguidu rasik konfesa ba faktu hotu iha akuzasaun.

Alegasaun finál

Prokuradór konsidera arguidu nia hahalok ne'e preense duni elementu krime ofensa ba integridade fízika simples ho natureza violénsia doméstika hasoru nia feton, bazeia ba konfisaun arguidu nian no konfirma mós husi lezada. Tanba ne'e, prokuradór laiha duvida ba faktu sira hotu iha akuzasaun no husu ba tribunál atu kondena arguidu ho pena prizaun fulan 6 suspende ba tinan 1, nune'e iha futuro bele iha prevensaun jerál ba arguidu no ba ema seluk labele halo tuir iha futuro.

Enkuantu defeza husu ba tribunál atu kondena arguidu ho pena ne'ebé kmaan ho konsiderasaun katak, arguidu konfesa, arrepende nia hahalok, foin primeiravés mai hatan iha tribunál, diak malu ona ho lezada no promete sei la komete tan krime hanesan iha futuro.

Desizaun

Depoisde avalia faktu hotu, tribunál prova katak arguidu basa dala ida iha lezada nia hasan parte karuk no tebe dala ida iha lezada nia ibun.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende ona nia hahalok, diak malu ona ho lezada, foin primeiravés mai hatan iha tribunál no promete sei la komete tan krime hanesan iha futuru. Tanba ne'e, tribunál konklui prosesu ne'e no kondena arguidu ho pena prizaun tinan ida suspende ba tinan ida.

21. Krime ofensa ba integridade fízika simples ho natureza violénsia doméstika

Nú. Prosesu : 0108/21.OEPMK
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Mateus Nesi
Defeza : Dr. Marcelino Marques Coro
Desizaun : Pena prizaun fulan 5 suspende ba tinan 1

Iha 19 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguida DC hasoru nia laen, iha Distritu Oekusi.

Akuzasaun Prokuradór

Prokuradór akuza katak iha 21 Novembru 2021, maizumenus iha oras tuku 20:00 kalan, arguida tuku dala ida iha lezadu nia oin no tebe dala ida iha lezadu nia kelen parte karuk rezulta lezadu sofre moras. Lato'o iha ne'e de'it maibé arguida kontinua kaer lezadu nia ulun baku ba odamatan rezulta lezadu hetan kanek ki'ik, metan no sofre moras. Antes agresaun ne'e, arguida ho lezadu diskute malu kona-ba lezadu buka tuir espellu atu fokit hasarahun maibé lahetan, ho nune'e mosu agresaun hirak ne'e. Kazu ne'e aneksu hamutuk ho relatóriu médiku husi Ospital Referál Oekusi no fotografia kona-ba aktu violénsia ne'e hasai husi polísia.

Prokuradór akuza arguida kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguida konfesa faktu integralmente no hatene tuku no tebe lezadu hanesan ne'e ladiak no arrepende ona nia hahalok. Depoisde akontesementu arguidu ho lezadu diak malu ona too agora laiha tan problema seluk, foin primeiravés mai hatan iha tribunál, promete sei larepete hahalok hanesan iha futuru, serbisu hanesan dona decasa no toos na'in laiha rendementu fiksi kada fulan no arguida iha oan na'in neen.

Prokuradór husu ba tribunál atu presinde lezadu nia deklarasaun no husi parte defeza konkorda ho pedidu ne'e. Tanba ne'e, tribunál bazeia ba pedidu prokuradór nian presinde lezadu nia deklarasaun tanba arguida rasik konfesa faktu hotu iha akuzasaun.

Alegasaun finál

Prokuradór konsidera arguida nia aktu ne'e prenze elementu krime ofensa ba integridade fízika simples ho natureza violénsia doméstika hasoru nia laen. Tanba ne'e, prokuradór laiha duvida ba faktu sira hotu ne'ebé hakerek ona iha akuzasaun no husu ba tribunál atu aplika pena ne'ebé hakerek iha artigu 145 KP, atu nune'e bele iha prevensaun jerál.

Entretantu defeza haktuir katak iha produsaun ba prova, arguida kolabora diak ho tribunál hodi konfesa faktu integralmente. Defeza salienta liután katak depoisde akontesementu arguida sente hahalok hanesan ne'e ladiak no arrepende ona nia hahalok, diak malu ona too agora laiha tan problema seluk, foin primeiravés mai hatan iha tribunál, promete sei larepete hahalok ne'e iha futuru, serbisu hanesan dona decasa no toos na'in laiha rendementu fiksi kada fulan no arguida iha oan na'in neen. Tanba ne'e, defaza husu ba tribunál atu aplika pena ne'ebé adekua ba arguida tuir nia sala.

Desizaun

Depoisde avalia faktu hotu, tribunál prova katak arguida tuku dala ida iha lezadu nia oin no tebe dala ida iha lezadu nia kelen parte karuk rezulta lezadu sofre moras. Lato'o iha ne'e de'it maibé arguida kontinua kaer lezadu nia ulun baku ba odamatan rezulta lezadu hetan kanek ki'ik, metan no sofre moras.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende ona nia hahalok, diak malu ona ho lezada no promete sei la repete hahalok ne'e iha futuru.

22. Krime ofensa ba integridade fízika simples ho natureza violénsia doméstika

Nú. Prosesu : 0109/21.OEPMK
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Pena prizaun tinan 3 suspende ba tinan 4

Iha 23 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ACB hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 21 Novembru 2021, maizumenus iha oras tuku 20:00 kalan, arguidu basa dala rua iha lezada nia hasan parte loos, basa dala rua iha lezada nia hasan parte karuk, tuku dala rua iha lezada nia ulun, rakut lezada nia fuuk no riba lezada ba rai. Konsekuensia husi arguidu nia hahalok ne'e rezulta lezada sofre moras. Antes agresaun ne'e, arguidu ho lezada diskute malu kona-ba bainhira arguidu fila ba uma ho kondisaun lanu, nune'e mosu agresaun hirak ne'e. Kazu ne'e aneksu hamutuk ho relatóriu médiku husi PRADET no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesementu arguidu hatene katak hahalok hanesan ne'e ladiak, arrepende ona nia hahalok no deklarata katak iha akontesementu ne'e arguidu ho kondisaun lanu todan. Arguidu haktuir tan katak depoisde akontesementu lezada mak ba apresenta keixa iha polisia no depois liu tiha loron rua lezada ho arguidu kontinua dame malu fali hanesan feen ho laen. Arguidu haktuir tan katak serbisu hanesan funsionariu iha Obras Publika ho rendimentu kada fulan US\$272.00, arguidu iha oan na'in lima no promete sei larepete hahalok hanesan iha futuru.

Alende ne'e, lezada kontinua konfirma faktu hotu iha akuzasaun no deklarata katak depoisde akontesementu ne'e arguidu ho lezada diak malu fali no kontinua moris hamutuk hanesan feen ho laen.

Alegasaun finál

Prokuradór konsidera arguidu ema ne'ebé mak violentu tanba antes ne'e mai ona iha tribunál, tanba komete krime hasoru nia feen boot no arguidu sei kontinua repete hikas nia hahalok sira ne'e hasoru nia feen kiik. Tanba ne'e prokuradór konsidera arguidu laiha arrendementu ba nia hahalok, nune'e husu ba tribunál atu kondena arguidu tuir artigu 145 KP atu nune'e eduka arguidu labele repete hikas nia hahalok ne'e hasoru nia feen ka ema seluk iha futuru.

Entretantu defeza husu ba tribunál atu kondena arguidu ho pena ne'ebé justu ho konsiderasaun sira katak arguidu konfesa, arrepende nia hahalok, diak malu ona ho lezada no promete sei la repete hikas ninia hahalok ne'e hasoru lezada no arguidu mak iha responsabilidade maximu ba iha nia familia liliu ba nia oan sira.

Desizaun

Depoisde avalia ba faktu hotu, tribunál prova katak arguidu basa dala rua iha lezada nia hasan parte loos, basa dala rua iha lezada nia hasan parte karuk, tuku dala rua iha lezada nia ulun, rakut lezada nia fuuk no riba lezada ba rai. Konsekuensia husi arguidu nia hahalok ne'e rezulta lezada sofre moras. Antes ne'e arguidu mós komete ona krime hanesan hasoru nia feen boot no tribunál kondena arguidu ho pena multa US\$120.00.

Bazeia ba faktu provadu sira ne'e hotu no tetu mós ho sirkunstánsia atenuantes sira hanesan arguidu konfesa, arrepende nia hahalok, diak malu ona ho lezada no promete sei la komete tan krime hanesan hasoru lezada. Nune'e tribunál konklui prosesu ne'e no kondena arguidu ho pena prizaun tinan tolu suspende ba tinan haat.

23. Krime ofensa ba integridade fízika simples ho natureza violénsia doméstika

Nú. Prosesu : 0055/21.PDOEC

Kompozisaun Tribunál : Singulár

Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena multa US\$100.00

Iha 23 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 17 Maiu 2021, maizumenus iha oras tuku 15:00 lokraik, ho razaun ne'ebé la apuradu arguidu basa dala rua iha lezada nia hasan parte loos rezulta lezada sofre moras. Latoos iha ne'e de'it, arguidu kontinua foti tan fiu eletrisidade nian rohan hodi baku dala ida iha lezada nia kotuk laran rezulta bubu, metan no moras. Kazu ne'e aneksu hamutuk ho relatóriu médiku husi PRADET no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu integralmente no hatene basa no lori fiu baku nia feen hanesan ne'e ladi'ak no bele sofre moras, maibé arguidu komete aktu ne'e ho hakarak rasik sein haruka husi ema seluk. Depoisde akontesementu, arguidu sente hahalok hanesan ne'e ladiak, arrepende ona nia hahalok, seidak diak malu ho lezada. Arguidu mós deklara katak antes ne'e mai ona iha tribunál no tribunál kondena arguidu ho pena prizaun fulan neen suspende ba tinan ida, promete sei larepete hahalok ne'e iha futuru, serbisu hanesan funsionáriu iha Oli-Pejado ho rendimentu kada fulan US\$250.00 no iha oan na'in ida.

Alende ne'e, lezada kontinua konfirma faktu hotu iha akuzasaun no deklara katak arguidu baku lezada sein motivu ruma no depoisde akontesementu lezada ho arguidu seidak dame malu tanba arguidu mak sai husi uma ba hela hamutuk fali ho nia inan/aman sira nia uma. Lezada deklara liután katak arguidu sempre halo agresaun fízika hasoru lezada, nune'e lezada lakohi ona atu moris hamutuk ho arguidu no hakarak moris hamutuk ho nia oan nomós lezada ninia inan/aman sira duke moris hamutuk ho arguidu.

Alegasaun finál

Prokuradór iha nia alegasaun husu ba tribunál atu aplika pena prizaun afetiva ba arguidu ho razaun tanba durante produsaun ba prova lezada sente tauk no trauma tebes ho arguidu nia hahalok, tanba sempre baku bebeik lezada no prokuradór konsidera hahalok arguidu nian preense duni elementu krime ofensa ba integridade fízika simples ho natureza violénsia doméstika hasoru nia feen no krime refere regista aas iha regiaun Oekusi kompara ho munisípiu sira seluk.

Enkuantu defeza alega katak iha produsaun ba prova, arguidu konfesa faktu integralmente sein reserva no depoisde akontesementu arguidu sente hahalok hanesan ne'e ladiak no arrepende ona nia hahalok, seidak diak malu ho lezada tanba to'o agora sira na'in rua moris keta-ketak, no promove sei larepete hahalok hanesan iha futuru, serbisu hanesan funsionariu iha Oli-pejado ho rendementu kada fulan US\$250.00, iha oan na'in ida no arguidu mak iha responsabilidade maximu ba nia familia. Tanba ne'e, defeza husu ba tribunál atu aplika pena ne'ebé justu tuir arguidu nia sala.

Desizaun

Depoisde avalia ba faktu hotu, tribunál prova katak arguidu basa dala rua iha lezada nia hasan parte loos rezulta lezada sofre moras. Latoo iha ne'e de'it, arguidu kontinua foti tan fiu eletrisidade nian rohan hodi baku dala ida iha lezada nia kotuk laran rezulta bubu, metan no moras.

Bazeia ba faktu provadu sira ne'e hotu no tetu mós ho sirkunstánsia atenuantes sira hanesan arguidu konfesa, arrepende nia hahalok no promete sei la repete hahalok ne'e iha futuru. Ho nune'e tribunál konklui prosesu ne'e no kondena arguidu ho pena multa US\$100.00 ne'ebé kada loron arguidu sei selu US\$1.00 durante loron 100. Tribunál mós fiksa pena alternativa durante loron 66 prizaun, bainhira arguidu la kumpri pena multa refere.

24. Krime ofensa ba integridade física simples ho natureza violéncia doméstika

Nú. Prosesu : 0066/21.PDOEC
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena admoestasau

Iha 23 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violéncia doméstika ne'ebé envolve arguida ZC hasoru nia laen, iha Distritu Oekusi.

Akuzasaun Prokuradór

Prokuradór akuza katak iha 27 Setembru 2021, maizumenus iha oras tuku 14:00 meidia, lezadu diskonfia arguida telefone mane seluk, ho nune'e arguida ho lezadu diskute malu arguida monu lakon sentidu iha minutu balun nia laran, hafoin arguida hetan fali konsensia (*sadar*) no kontinua diskute malu ho lezadu arguida ho hirus foti tejolu pedasuk ida hodi tuda lezadu no kona iha lezadu nia tilun hun parte karuk rezulta kanek, raan sai no sofre moras. Kazu ne'e aneksu hamutuk ho relatóriu médiku husi Ospital Referál Oekusi no fotografia kona-ba aktu violéncia ne'e hasai husi polisia.

Prokuradór akuza arguida kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguida konfesa integralmente ba faktu hotu iha akuzasaun no hatene tuda lezadu ho tejolu hanesan ne'e ladiak no bele sofre moras, maibé arguida halo ho hakarak rasik sein haruka husi ema seluk. Depoisde akontesementu, arguida sente hahalok hanesan ne'e ladiak no arrepende ona nia hahalok, diak malu ona ho lezadu too agora laiha tan problema seluk, foin primeiravés mai hatan iha tribunál, promete sei larepete hahalok ne'e iha futuru, hanesan dona decasa laiha rendimentu fixu kada fulan no iha oan na'in tolu.

Alende ne'e, lezadu kontinua konfirma faktu hotu iha akuzasaun no deklarata katak depoisde akontesementu no arguida ho lezadu dame malu kedas too agora kontinua moris hamutuk nafatin iha uma ida hanesan feen ho laen.

Alegasaun finál

Prokuradór iha nia alegasaun husu ba tribunál atu aplika pena ne'ebé hakerek ona iha artigu 145 KP atu iha futuru arguida labele kontinua repete hikas nia hahalok ne'e no ema seluk labele halo tuir tanba krime sira hanesan ne'e rejista aas iha Regiaun Oekusi no konsidera hahalok arguida nian preense duni elementu krime ofensa ba integridade física simples ho natureza violénsia doméstika hasoru nia laen.

Enkuantu haktuir katak arguida konfesa faktu integralmente no depoisde akontesementu arguida sente hahalok hanesan ne'e ladiak no arrepende ona nia hahalok, diak malu ona ho lezadu, promete sei larepete hikas hahalok ne'e iha futuru, hanesan dona decasa laiha rendimentu fixu kada fulan, oan na'in tolu, arguida ho lezadu hamutuk mak bele iha responsabilidade maximu ba iha sira nia família. Tanba ne'e, defeza husu ba tribunál atu aplika pena ne'ebé adekuadu tuir arguida nia sala.

Desizaun

Depoisde avalia ba faktu hotu, tribunál prova katak lezadu diskonfia arguida telefone mane seluk, ho nune'e arguida ho lezadu diskute malu arguida monu lakon sentidu iha minutu balun nia laran, hafoin arguida hetan fali konsensia (*sadar*) no kontinua diskute malu ho lezadu arguida ho hirus foti tejolu pedasuk ida hodi tuda lezadu no kona iha lezadu nia tilun hun parte karuk rezulta kanek, raan sai no sofre moras.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguida konfesa, arrepende ona nia hahalok, diak malu ona ho lezadu, foin primeiravés mai hatan iha tribunál no promete sei la repete hikas hahalok ne'e iha futuru. Nune'e tribunál konklui prosesu ne'e no kondena arguida ho pena admoestasaun.

25. Krime ofensa ba integridade física simples ho natureza violénsia doméstika

Nú. Prosesu	: 0099/21.OESIC
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan 1 suspende ba tinan 1

Iha 23 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu MO hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 08 Outubru 2021, maizumenus iha oras tuku 19:00 lokraik, arguidu tebe dala ida iha lezada nia asentu kauza lezada monu ba rai no rezulta moras, arguidu kontinua tuku dala ida iha lezada nia matan parte loos kauza bubu, metan no moras. Antes agresau ne'e, arguidu ho lezada diskute malu kona-ba arguidu deskonfia lezada amante ho mane seluk. Kazu ne'e aneksu hamutuk ho relatóriu médiku husi Ospítal Referál Oekusi no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no arguidu hatene tebe no tuku hanesan ne'e ladiak no arepende ona nia hahalok. Arguidu haktuir tan katak depoisde akontesementu lezada mak ba apresenta keixa iha Polísia no depois liu tiha loron rua lezada ho arguidu kontinua diak malu fali hanesan feen ho laen. Arguidu haktuir tan katak serbisu hanesan toos na'in laiha rendimentu fiksi kada fulan, seidak iha oan, foin primeiravés mai hatan iha tribunál no promete sei larepete hahalok hanesan hasoru nia feen ka ema seluk iha futuro.

Alende ne'e, lezada kontinua konfirma faktu hotu iha akuzasaun no depoisde akontesementu, lezada ho arguidu kontinua dame malu fali hanesan feen ho laen too agora moris hamutuk nafatin iha uma ida.

Alegasaun finál

Prokuradór konsidera arguidu nia aktu ne'e preense elementu krime ofensa ba integridade fízika simples ho natureza violénsia doméstika. Tanba ne'e, husu ba tribunál atu aplika pena tuir artigu 145 KP atu eduka arguidu labele repete hikas nia hahalok hasoru nia feen ka ema seluk iha futuro.

Enkuantu iha defeza nia alegasaun hateten katak arguidu konfesa faktu sira hotu ne'ebé hakerek iha akuzasaun, arepende ona nia hahalok, diak malu ona ho lezada no promete sei larepete tan hahalok hanesan iha futuro. Defeza saliénta liután katak arguidu serbisu hanesan toos na'in laiha rendimentu fiksi kada fulan, arguidu mak iha responsabilidade maximu ba iha nia família. Tanba ne'e, defeza husu tribunál atu tetu hotu situasaun sira ne'e no husu atu aplika pena ne'ebé mais justu ba arguidu tuir nia sala.

Desizaun

Depoisde avalia ba faktu hotu, tribunál prova katak arguidu tebe dala ida iha lezada nia asentu kauza lezada monu ba rai no rezulta moras, arguidu kontinua tuku dala ida iha lezada nia matan parte loos kauza bubu, metan no moras.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, diak malu ona ho lezada no promete sei la repete hahalok hanesan iha futuru. Nune'e tribunál konkui prosesu ne'e no kondena arguidu ho pena prizaun tinan ida suspende ba tinan ida.

26. Krime ofensa ba integridade fízika simples

Nú. Prosesu : 0095/21.OEPMK
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Omologa pedidu dezisténsia keixa

Iha 25 Maiu 2022, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Luciano Caba hasoru nia inan, iha Distritu Oekusi.

Akuzasaun Prokuradór

Prokuradór akuza katak iha 10 Outubru 2021, iha oras tuku 10:00 dadeer, sein motivu ne'ebé klaru arguidu tuku dala ida iha lezada nia kanuruk rezulta lezada sofre moras no antes ne'e arguidu ho lezada iha ona problema seluk. Kazu ne'e aneksa hamutuk ho relatóriu médiku husi Ospitál Referral Oekusi no fotografia kona-ba aktu violénsia sira ne'e hasai husi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezada.

Iha prosesu konsiliaun ne'e, lezada hakarak dame malu ho arguidu hanesan ninia oan sein kondisaun no importante iha futuru arguidu labele repete hikis nia hahalok sira ne'e hasoru lezada. Alende ne'e arguidu mós konkorda ho pedidu lezada nian no deklara katak arrepende ona nia hahalok no promete sei la repete tan hahalok hanesan iha futuru hasoru lezada hanesan arguidu nia inan, nune'e lezada husu ba tribunál atu deziste tiha ninia-keixa hasoru arguidu sein kondisaun.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezada, tribunál konklui prosesu ne'e no omologa pedidu dezisténsia keixa no absolve arguidu husi prosesu ne'e sein kondisaun.

27. Krime ofensa ba integridade física simples

Nú. Prosesu : 0064/21.OESIC
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Omologa pedidu dezisténsia keixa

Iha 31 Maiu 2022, Tribunál Distritál Oekusi prezide julgamentu tentativa konsiliaun ba krime ofensa ba integridade física simples ne'ebé envolve arguidu Antonio Bisa hasoru lezadu Serafin Tunis nu'udar bei-oan, iha Aldeia Mahata, Suku Lelaufe, Sub-distritu Nitibe Distritu Oekusi.

Akuzasaun Prokuradór

Prokuradór akuza katak iha 26 Juñu 2021, iha oras tuku 1:30 lokraik, arguidu foti ai-gamal sanak ida baku dala barak iha lezadu nia kotuk laran no kelen parte loos no karuk hodi rezulta lezadu hetan bubu, mean no sofre moras. Antes agresaun ne'e, arguidu ho lezadu diskute malu kona-ba disputa rai eranca, ho nune'e mosu agresaun ne'e. Kazu ne'e aneksu hamutuk ho relatóriu médiku husi Sentru Saúde Baocnana no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezadu.

Iha prosesu konsiliaun ne'e, lezadu hakarak dame malu de'it ho arguidu maibé ho kondisaun katak arguidu tenke hatais fali lezadu ho tais mane ida no osan US\$50.00 no husu mós ba arguidu iha futuru labele repete hikas nia hahalok ne'e hasoru lezadu ka ema seluk. Alende ne'e arguidu mós konkorda ho pedidu lezadu nian no deklara katak arrepende ona nia hahalok no promete sei la repete tan hahalok hanesan iha futuru, nune'e lezadu husu ba tribunál atu deziste tiha ninia-keixa hasoru arguidu.

Alegasaun final

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu, tribunál konkloi prosesu ne'e no omologa pedidu dezisténsia keixa ne'e no absolve arguidu husi prosesu ne'e ho kondisaun katak arguidu fo tais mane ida ho osan hamutuk US\$50.00 ba lezadu.

28. Krime ofensa ba integridade fízika simples ho natureza violénsia doméstika

Nú. Prosesu : 0029/21.OEPSB
Kompozisaun Tribunál : Singulár
Juis : Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Pena prizaun tinan 1 suspende ba tinan 1

Iha 31 Maiu 2022, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ML hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 31 Outubru 2021, maizumenus iha oras tuku 12:00 meiodia, arguidu tuku dala ida iha lezada nia kanuruk rezulta lezada sofre moras. Latoo iha ne'e de'it, bainhira lezada tenta atu halai arguidu kontinua tebe tan dala ida iha lezada nia ain-kabun parte loos rezulta lezada sofre moras. Antes agresaun ne'e, arguidu ho lezada diskute malu kona-ba osan volta husi sosa sasan ne'ebé arguidu entrega ba lezada menus husi US\$1.00, nune'e mosu agresaun ne'e. Kazu ne'e aneksu hamutuk ho relatóriu médiku husi Sentru Saúde Pasabe no fotografia kona-ba aktu violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu faktu hotu iha akuzasaun no depoisde akontesementu arguidu hatene katak hahalok hanesan ne'e ladiak no arepende ona nia hahalok. Arguidu haktuir tan katak diak malu ona ho lezada, foin primeiravés mai hatan iha tribunál, promete sei larepete hahalok ne'e iha futuru, serbisu hanesan toos na'in laiha rendementu fixu kada fulan.

Alende ne'e, lezada kontinua konfirma faktu hotu iha akuzasaun no deklara katak depoisde akontesementu too agora nafatin moris hamutuk iha uma ida hanesan feen ho laen no diak malu ona.

Alegasaun finál

Prokuradór konsidera arguidu nia hahalok prense element husi krime ofensa ba integridade fízika simples ho natureza violénsia doméstika hasoru nia feen. Tanba ne'e, prokuradór laiha duvida ba faktu sira hotu iha akuzasaun no husu ba tribunál atu aplika

pena ne'ebé hakerek ona iha artigu 145 KP atu iha futuru arguidu labele kontinua pratika nia hahalok ne'e hasoru tan lezada no ema seluk labele halo tuir.

Enkuantu defeza husu ba tribunál atu kondena arguidu ho pena ne'ebé kmaan ho konsiderasaun katak arguidu konfesa, arrepende ona nia hahak, diak malu ona ho lezada, foin primeiravés mai hatan iha tribunál no promete sei la repete hikas hahalok ne'e iha futuru.

Desizaun

Depoisde avalia ba faktu hotu, tribunál prova katak arguidu tuku dala ida iha lezada nia kanuruk rezulta lezada sofre moras. Latoo iha ne'e de'it, bainhira lezada tenta atu halai arguidu kontinua tebe tan dala ida iha lezada nia ain-kabun parte loos rezulta lezada sofre moras.

Bazeia ba faktu provadu sira ne'e no tetu mós ho sirkunstánsia atenuantes sira hanesan arguidu konfesa, arrepende nia hahalok, diak malu ona ho lezada, foin primeiravés mai hatan iha tribunál no promete sei la repete hahalok hanesan iha futuru, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl